

沅
湘
耆
舊
集

沅湘耆舊集卷第八十五

新化鄧顯鶴湘臯編輯

長沙毛國翰青垣校訂

劉訓導淮二首

淮字次江芷江人明僉事有年後裔以增貢官邵陽訓導僉事在明初以經術起家上儀禮迨經十八篇爲楚先儒碩之最次江思振其緒力學篤行初至邵陽見廟學傾陔亟貸金完繕首以經義教邵士雍正甲辰補鄉試爲湖南北分闈之始邵士得六人多肄業於學余鳳舉文科第一武科第一則黑啟且一學兩元前此未嘗有也寶慶守劉業

贈詩云公門桃李謁明倫八代文章學力真師範
遺山流教澤月巖身後再來人其推重如此凡六
年卒於官

拜米忠毅公墓

江介孤臣一塚遺西南天遠不勝悲誰紆白馬清流禍竟
與丹心碧血期城破中丞非忍死途窮信國欲何爲魂兮
儻覓歸來路杜宇聲中怨黍離

按忠毅公名奇圖字青碑宛平人崇禎中由舉人
知新鄭縣以治行徵授南京御史福王立出按四
川時川地已爲賊據至則與督師王應熊總督樊
一齊等議復川南鄧縣唐王立擢右都御史巡撫
貴州孫可望陷貴陽公出奔沅州力圖興復尋
大兵破沅州公死之乾隆中年賜諡忠毅公葬
在州東郭外古臺山日久爲居民侵占道光庚子
沅州教授李君漢章俸齋黔陽教諭黃君本

癡僧州人唐君可久東溪訪得其地言之正江介
李君訓方漁村懲其侵葬者李詩所云詎采湖
修冷祀我驅野骨奠忠魂者也於是唐君捐貲修
復墓道公有誅逆熄亂四大字墨蹟在沅州漢前
將軍廟虎癡復爲鉤勒上石井刻公明史忠義本
傳立於墓旁雁塔寺而以捐本寄余字徑二尺前
書隆武三年陽月朔日帛街安遠居士米壽圖書
共十六字街下書男梓琪稔侍六字字體迥勁
藥藥有生氣按公初知新鄭卽被走土賊頭首于
二百餘巡按川南收復殘疆故土於百萬虎狼荆
棘中誅逆熄亂其素志也卒之流離去國萬里孤
身僅以一死殉也悲夫讀諸君修墓立石詩記偉
其事而詳述之如此

張襄惠公祠

幾年蠟爾淨煙埃祠廟今甯古堞隈碑字數行驚廣莫軍
麾前夜走風雷議撓權相功終就身在邊隅鬢易摧宇宙
大名同不朽隕星何必渭南哀

按襄惠公名岳字惟喬惠安人正德丁丑進士授
行人疏諫南巡受杖歷官右副都御史總督兩廣
入爲刑部侍郎嘉靖中特設重臣總督湖廣貴州
四川軍務討賊爾逆苗襄惠奉命出以滅賊爲已
任嚴嵩主撫從中撓之襄惠持益堅嵩父十百計
怒公卒用所部石邦憲等得黑苗以獻苗患遂息
詔留襄惠駐沅州籌善後計卒
於官喪歸展沅人迎哭者不絕

楊署正植乘 三首

植秉字均甫武陵人父敏之子蔭光祿寺署正有
梅治集十六卷梅治貴公子刻苦自厲年三十喪
妻不再娶亦不置妾媵與朱梅治景英陳梅岑長
鈞稱武陵三梅孫龍門序梅治集以謂楚詩至今
日而衰極意必有老成宿望之士主持而提唱之
而後一二舊習先爲尊信漸以浸淫夫窮巷向吾

又未之見也博覽故國三十餘年而後乃今得見
梅治其推許可謂至矣又云梅治古今體詩三千
餘首哀而存者什之二三今求其集不見僅從常
德文徵得其七絕三首豈足以盡梅治乎

和陳青邱悼亡

霜華初綻菊英黃一夕東籬委素商可惜餘香零落盡只
爾殘葉度重陽

雲駢初駐碧山端萼綠蘭香日往還遺挂至今空在壁蓬
萊眞隔萬重山

清潤潘郎玉不如如今已歎二毛初憑君莫誦哀絃句惆
悵紅窗一紙書

陳鴻臚樹著三十八首

樹著字學田湘潭人恪勤公第三子戶部侍郎樹
萱之弟也以父蔭授刑部郎中出爲福建汀漳道
調雲南迤西道遷長蘆鹽運使司內授鴻臚寺卿
隨駕木蘭次灤河卒有學田詩草恪勤七子皆顯
達其長者少以書法受知 仁廟次仕至司農

餘亦多監司守令門才不可謂不盛距今未百年
凌替已甚嘉慶初朝廷勅守臣訪其後裔縣令得
公後二人於旧伍中資遣北行未至京道卒後遂
無過而問者近安化陶文毅公復訪得公裔某爲
置墓田請諸 朝將建祠湘潭予以奉祀生未及

允行而文殺謝世其衰落如此固宜諸子之詩
不傳也學田性敏強記乾隆閒刑部失火延燒案
卷 詔令內外大小臣工曾官刑部者記敘學田
敘述最多人以是稱之其詩初亦止得一首是集
刊成後余友沈栗仲大令始續寄到一卷亟爲選
錄增入以永其傳

春夜偶然作

春風動羅幙客意感居諸微月上綺窗攬衣步庭除故人
白齒燕纏絲一紙書薄言別離苦奉使備單于所願各努
力善保千金軀反覆書中意欲答復躊躇寂寞雲中雁寥
寥唳夜烏

擬古

炎風摧桂枝居然勝霜雪繁華凜歲寒物情惡哀歌芳菲
豈獨榮根株不堪折故人久離居萬里空淒咽

輓輸萬里外沙漠容顏老不知塞上花三春亦難好呼韓
款塞來一心豈草草寄語遠征人凱歌須及早

春日和彭念堂見贈元韻

苔痕亦已綠纏繞契春心緬思漢水濱伊人臥雲岑有客
故鄉來貽我松風琴高張厲清響離思誠難任

有弟在天涯與君投縞紵復有寒香翁亦結松筠侶鳳皇
無栖棲驃褭依凡園江漢且清廣斯人獨延佇

少年承世業珥筆傲公卿自顧無奇策俯仰歲崢嶸蕉黃

荔子丹聊復餐，瑤瓊海蚌隨月滿。
雲鶴從風行，誰能出斯世耕煙淺太清。

校獵

斥鹵無稻梁，冥鴻不來息。
海隅稀草木，狐兔近安適。
且喜朔風柔，隆冬有春澤。
鷓鴣多惡聲，我弓勁如石。

雨後答友人

地氣結古陰，光風澹飛颺。
沿沿步空香，布席花畦傍。
淨綠滌塵慮，虛明任天放。
高下瞰林巒，隱見非一狀。
我思揚靈輝，冥心失所向。

畚女歌

處州畚女住深山，蓬頭洗足聲絲織。
隨山火種無常所有。

時負薪來人衰野花插鬢紅斑斑自掘葛根爲夕餐煨芋
不食待夫還

昔人云稂莠不除嘉禾不植然五穀不熟不如稊稗
蓋亦有足取者作勸民詞

去年浙東旱千里稻梁稊稗同一死今年節候風雨時老
農作息勤耘耔豈容稊稗更結實呼兒拉雜摧燒之我來
攜取植溝澗芄芄原不傷嘉穀不記去年長餓時安得此
物一果腹

新淦灣

新淦灣南新水深美人隔溪弄寒玉雨打雲根千萬峯郎
去松陽何處宿

燕中秋感

幽州秋意早客望獨登臺斜日連雲去涼風逐雁來當歸
非鄭重久立亦遲迴已自逢蕭瑟砧聲莫漫催

金華題砌下小松

何年離澗底傍砌亦成陰未有棟梁具空含霜雪心牆花
低欲壓簷溜暗相侵不作虬龍隱注高山自深

柯橋

不識椽中竹中郎自古今茲亭一相賞前路少知音野徑
荒荒遠錢江冥冥深昔時人已去無路可追尋

歲暮

歲暮還爲客蕭條宦後貧山妻應有約三徑已無鄰

亦知歸不易此日傍人難南枝春已去莫道北枝寒

甲戌秋日北上至塘西畱別諸君子

秋水白蘋溪秋風絡緯唳扁舟遠相送難別是塘西

海昌春日苦雨

黃鸝怕春去雨中唳不休那看垂白髮閒倚海東樓

古意

不種白蓮花君看紅柑子采采滿筠籠箇箇圓相似

秋風正搖落芳菲妾心裏莫惜杜鵑花烏柏紅如此

桃花問渡圖

君今向何處欲往桃花林桃花隔溪水難爲醒世心

麗江寺

不到麗江寺已知秋已深夕陽花鳥冷愁絕故園心
是木有蔦蘿不必青松樹蠻女老無歸淚繞孤根步

館中紅梅初放

更無煙火辟人閒只有胭脂媚玉顏錯認武陵源上路我
爲漁父不知還

石橋

石橋橫臥雙玉龍赤腳欲踏扶孤筇擬向金庭問仙藥瑤
林瓊樹白雲封

摘筍

春深風雨長龍孫膈膊新抽千萬根何處更堪參玉版貧
家今日富盤殮

不分江干黃竹枝女兒箱亦繫人思玉盤狼藉臨安日恰似瀟湘二月時

京師冬日晤原詔安令王琢庵感舊

蕭條風雪滿京華白葉休官莫怨嗟空建無辜三十戶力

窮誰拔蜀山蛇

自注壬戌秋詔安旱白葉村飢民相聚鬪搶米穀未成而散讎者文致除大辟外逮

捕三十餘家緣坐者蓋百餘人

太平無事奏時雍白首干城盡折衝麾下不能爲賊開總

戎何處覓侯封

自注詔安城中兵多於民兵幸賊至乘機竊奪竟有爲賊耳目者武弁坐擁重兵仍

於各鎮請發屯張聲勢冀成放寇得以就功

海濱山谷正狂風千里從容一騎遲始識窮民易歸命

九重天子聖神功

自注海濱人性易動白葉賊散後遠近皆主據倚寨爲保方一千餘里余以單

騎鯨論民
歸如市

案家傳公爲汀漳龍道時有陳作賴石者先後糾匪黨倡亂公單騎往撫置首惡於法良民安堵如故在迤西時阿墩子地方土千總相讐殺居民驚竄公聞報卽星馳往擒治之故卷中又有阿墩詞

風阻西興

輶車風阻住西陵臥聽寒潮伴佛鐙忽動鄉心驚坐起竹
聲和雨到窗棂

西湖竹枝詞

一片秋清銀漢低卽今莫上白公隄孤山夜夜鴛鴦鳥飛
過西湖西又西

柔婦詞

柔柔沃若露猶明蠶婦攜筐趁曉晴攀得一枝和淚滴鳥

沈沈若有身
名身
一十
力
嘯聲裏綺羅情

冬日度石門關

入維西路

石門關下少人煙
鎮水荒途盡水邊
兩岸梅花千萬樹
獨成開落自年年

定邊縣

自注今改爲南關巡司

二月榴花燕燕鳴
定邊山下正愁生
雲州南去煙皆瘴
君要行時莫早行

自注早行霧最毒

蒙化

百里平川未易過
春深惆悵聽夷歌
木香風起遊人歇
個個低聲喚柰何

自柏木鋪至打牛坪七十里

霜華略入曉寒輕一徑崎嶇盡日行雲護碧溪衝不斷
中花樹老無名

阿墩詞

當狗城東洞壑孫

自注唐嚴武破當狗近維州或是今地

蓬婆山下雪沈沈

惟應博得毳裘長射虎懸狼激壯心

陳大使樹芳二首

樹芳字蘭田湘潭人父曰鶚年與鷓年鶚年鵬年
皆恪勤公弟也樹芳以保舉官兩淮安豐鹽大使

隔岸桃花

溪上風恬錦浪生日光花影蕩空明欲隨春水無舟渡似
傍垂楊有路行採藥仙歸疑上苑迷津人到問流鶯何如

身向瑤池去十二樓前寶久成

送野谷上人往燕扶觀

有引

上人吳姓其父曾爲衛輝守爲忌者所陷全家歿於燕上人幼穉祝髮爲僧至是始扶觀歸里聞者哀之

藐孤五馬之公子怙恃失依依老禪誰曰佛無親父母可憐僧哭古幽燕一肩枯骨三千里兩淚空門四十年知爾南歸過衛水那堪重詠蓼莪篇

崔訓導登鼇

三首

登鼇芷江人乾隆初貢生寧鄉訓導

山寺

居然城市裏山寺認前朝五葉宗風唱雙江靜夜浮遊人

依象敬懷古上龍標下界紛塵海誰爲鸞鶴招

同天寺

邑小稀遺刹孤城見廣場言從劫火後一續佛燈長白足
尋禪侶青燐怨國殤遠懷仙尉蹟文字說滄桑

馬明山講學處

衣鉢增城授受中辦香辛苦爲河東身擔博士專門業手
闢諸生釋菜宮經術同時歸太僕儒宗先世馬扶風明山
南去灘西路記取鄉名託鄭公

按馬明山名元吉字子修嘉靖間貢生以理學著
爲湛甘泉高弟初官國子助教遷徽州長史歸隱
明山請於學使卽灘水之西闢書院以祀
薛文清公講學其中學者稱明山先生

歐陽訓導日枚一首

日枚耒陽人乾隆初貢生黔陽訓導

尋芙蓉樓舊址

江上此煙水芙蓉舊有樓連宵同聽雨送客獨經秋蹟古
冰心在官卑詩卷閉西風添老淚長是怨閭邱

張歲貢崧一首

龍字俊士號一峯祁陽人乾隆初貢生

磨厓碑

磨厓矗立湘之游幾蝕風霜剝凍雨勁筆凌霄顏太師雄
文揭日元水部光芒萬丈天日明忠義凜凜今猶生君王
不識原平守兒童猶說春陵行世事升沈空踟躕今古遊
人去來續摩挲片石憩崖顛溪水泠泠激寒玉

李歲貢紹易 一首

紹易字

善化人乾隆初貢生

長沙懷古

晴蕪碧抹襯蒹葭湘上微吟感物華漁父不來歌澤畔賈
生何故到天涯宅畱城闕風煙老寺鎖荒邨薜荔斜憑眺
倚闌俱勝概至今人說古長沙

鄧歲貢林芷 二首

林芷字

永興人乾隆初貢生

秋日登蘇仙觀次韻 二首

蓮座香初爇寒蛩語綠莎山空惟水石世險半風波兀坐
塵襟靜清談逸興多芙蓉江上好不及嶺頭蘿

晚簫秋光爽青天雨後莎亂雲迷石磴斜日湧簾波門外
羊腸曲枝頭烏語多不愁歸路黑纖月挂藤蘿

李歲貢長璜一首

長璜芷江人乾隆初貢生

過沅慶庵看自省上人寫竹

怒氣寫蘭喜寫竹畫家亦有禪機觸道人本持曠怒戒寫
蘭不比寫竹熟藤梢刺簷桐覆陰萬竿綠玉寒森森畫意
在眼已在手於此生大歡喜心盈箱列案堆絹素便面屏
風乞無數瀟湘深處渭川閒偶然時一與之遇纔作潤節
與疏枝葉葉橫側相紛披拳石帖妥渲染竟放筆仍是無
心爲我看寫竹坐移日寫竹況在淨名室相逢願可瘦權

倚乃與范緩倪迂匹道人喜怒真兩忘寫竹終日疲津梁
幾時解得燒筍味不妨來說畫三昧

按此詩亦見硯
北翁沅西備草

佟歲貢國紀二首

國紀字協五沅陵人乾隆初貢生

次韻辰州十烈詩五首之二

蜀省屠戮盡松潘民未移山川何足險王道有平夷國祚

終難挽軍心日漸離從容就義死明月照峨眉

朱都督
化龍

二士死忠貞身殂心不已橫塘殺氣森凜凜陰風起霜葉

有時紅青山變作紫敵愾深同袍自古孰無死

萬校尉民
贈朱校尉

植自

孔秀才毓秀二首

毓秀字實齋沅陵諸生

次韻十烈詩五首之二

桑梓非異鄉目擊中腸熱壯士三十人橫掃賊烽滅單騎

入重圍白刃滋碧血哀哉獨角龍雖死猶存舌周義士華字

熙時四海甯苗變尚未已二士戰橫塘一呼萬眾起先後

顏如生色映暮山紫忠不負國恩依然正命死萬校尉民

植自

附沅陵令南豐謝鳴盛原作五首宋通判瑛孝子

儒戰死父則忠徒死兒非孝三日破賊巢擒賊投

虎豹抱尸一櫛深熱血噴五敵浩魄還太虛忠孝
兩輝耀按辰州府志傳畧宋瑛沅陵人以貢生通
判平樂正德八年郴州峒苗叛巡撫洪範徵瑛捕
詞至場頭寨苗糾合九峯逆黨來攻瑛力不支身

被敵前圍二日救不至遇害子儒慟父陣亡奮不
顧身同守備李寶直搗苗穴力戰三日擒其魁首
駭散獲父尸裹負歸七孔流血抱父而死王指揮
夢麟義僕王甯王壽貴農本殊與精忠並一氣主
自報主恩僕亦有侯義九曲灣復灣清風浩無際
靈輪負初心喪草不虛志按辰州府志傳畧王慶
勝共先武進人祖王斌以武功授辰州衛指揮同
知遂家焉夢麟襲祖廕嘉靖中倭賊內犯詔選武
臣征勦夢麟毅然往至崇安卽斬倭首四十級已
歷建陽汀州興化屢戰勝會朱相等背約不救勢
孤爲賊所乘歿於陣僕王甯王壽皆死之初夢麟
之往賦詩有空抱羅輪憾常懷喪革盟之句識者
知其志之早定矣事聞贈都督同知世襲指揮僉
事周義士華宇寸剛知必折寸火自成熱生少此
鄉閭忍視賊屠滅短刀飛光趾躡馬陸碧血獨角
終鬻鬻不攜三寸舌按辰州府志雜識牛萬才入
澈屠戮甚慘一日掠兩了鄉鄉民周華宇率壯士
三十餘人夜襲之賊死傷甚衆乃遁越六日復至
華宇單騎迎擊殺數十人馬躡被擒華宇身入尺
脊力絕人頂有肉隆起高二寸許人呼爲獨角龍
至是賊欲降之笑謂曰獨角龍何健也華宇罵曰
瞎眼牛敢無禮耶遂遇害牛萬才眇一目故華宇

云然華宇周姓一作張朱都督化龍明祚有時絕
臣節無時後狼兵化爲鼠蜀道平如夷松潘孤岷
岷木柔勵離離斷頭直一笑精氣繞城巔按辰州
志藝文田祿朱公傳畧公名化龍字慶雲長溪人
幼讀書不羈天啟中水西酋安邦彥復徧沅巡撫
王三善拔爲隊長崇禎初進守備沅州備百戶公
方討五寨司叛苗而流賊老回回一斗粟等擾中
原總兵張景球奏公才可大用倚爲左右未幾景
球戰歿詔以公爲都司領其衆經年遷黃嶺司參
將旋晉海防副將與海寇戰長山島大捷進都督
僉事旣而以母老請養朝廷憫之調偏沅巡撫中
軍衡州土寇陳朝明圍衡公奉檄往勦擒朝明戮
之以功進至都督沅州衛爲養子人皆稱朱相公云
蜀部議勦賊不合乃辭職養親而兵部蜀人陳新
甲奏調公松潘鎮總兵以沅陵石可達爲中軍及
武陵摧劬死烈皇帝殉社稷江左再失而桂王稱
號永登獨不屈賊亦不敢近遣其僞官說降公斬
失而公獨不屈賊亦不敢近遣其僞官說降公斬
之又擊卻賊將曾英賊益畏公獄忠於蜀慘毒甚
惟松潘一隅恃以無恐大兵入蜀獻忠受誅統
軍親王以洛勤忠孝論公公不答是時永明在滇

灰知公獻賊死滇蜀始通承明乃判公爲平蜀侯
公在衛與士卒同甘苦誓與所守地爲存亡壬辰
遣其養子陳佳勝往候明故閣部李乾德伯吳三
桂巡川東遇諸塗佳勝遂以獻三桂且稱公巡番
界當乘其不備襲之三桂以爲向而以總兵王明
德之師隨焉諸關險見朱相公皆降抵城而公尙
在邊聞城陷輟馬陞崖馬死而公無恙明德獲公
乃並其家屬解赴嘉定州死之七月三十日也而
中軍石可達忽起呼曰我公乘白馬雲中呼我當
速殺我遂死越數日陳佳勝病瘥呼石哥饒我竟
洞背而死長子國璽以侍祖母居家免於難次子
國璋以年幼釋三十餘乃歸里按朱公傑然爲一
代偉人曠鶴增修楚寶時未及採輯因節錄辰谿
田明經所作公傳於此俟他日補入云萬校尉民
贈朱校尉自植紙上兵戈聲橫塘戰未已國勳盡
可哀白骨呼不起桓桓兩將軍十日顏猶紫四體
無完膚忠魂信不死按辰州府志傳畧萬民瞻字
世欽沅陵人任辰州協標千總素饒勇雍正十三
年貴州苗叛奉調隨征奮勇敢戰累有殺獲五月
十八日師駐橫塘苗伏衆來誘民瞻率衆逐之入
伏爲所害朱自植字文盛鳳皇聽人賦質奇偉發
聲如鐘任鎮守標把總雍正十三年貴州苗亂

奉調隨征禦之橫塘五月十八日苗伏誘敵自植
率眾百餘人撲巢入伏隊目劉希義進曰寇深矣
自植曰此吾死所也與希義等奮力血戰各殺數
十苗而死近一月苗始退自植尸四剖如生事聞
予恤各廢一子至
今橫塘人祀之為神

胡秀才嗣昌二首

嗣昌芷江人諸生

薛文清公祠

河津夫子開世姿太和醞釀成瓌奇身擔國是與聖學科
名於公唾涕之星輻萬里臨沅水權使從來盛頤指封章
請命為懋金監稅何人肯為此手書性理貯頻宮坐使遠
微揚儒風一官監稅胡乃爾知公到處心文翁公之大節
在魚爾嶽嶽朝端推諤睿平反共擬廷尉張正直偏遭常

侍顯再躡再起鬢已蒼老臣憂國空迴腸惟將著述倡絕
學私淑或許齊游楊惟公不愧易名議歿祀於鄉旋合食
此邦過化况銜恩無西俎豆當年事幾時移祀傍高牙栗
主還施絳帳紗誰信中閒役戎馬酌泉無地羞江花嗚乎
盛德久不昧相感安知非異代循良令宰事經營一尊於
此新澆酌隔鄰有客坐談經朝夕從今得典型欲壽夫子
千秋躡好來同讀讀書錄

昭靈廟

枉渚辰陽路盡頭靈均曾否此閒遊涉江儻不歌芳芷遺
廟何從枕碧流半壁山形非故國一溪樹色已殘秋我來
爲反招魂賦遠道西南好滯留

楊布衣國振 三首

國振字雅山一字竹江本山陽人因其父官楚遂
占籍爲長沙人有歸來軒草其自序云先大人官
於楚卒於楚葬於楚余安得不楚也余年十許歲
時見其詩卽喜覽之比從敗篋中檢出因錄數首
以存其人

歸來軒詩

歸去來兮理釣筒金芝山近汨羅東三槐未樹虛先志五
柳從栽懶素衷繞屋平田經夏綠到門流水入春紅傲
廡咫尺松楸在已決餘生老此中

那識年來嬾是真此身合與白鷗親未辭惠遠僧同社已

謝長沮不問津小詠竹中詩五字微醺花下酒三巡鬢眉
莫笑平常甚南北東西一老人

魯樸如予愧少文敢將青白眼分餘生不餒由豐歲垂
老能安苟 聖君立柳樹旁聽鳥豕坐松根上看人耘莫
疑扣角情猶在已作無心出岫雲

王歲貢重元 一首

重元正江人乾隆初貢生

過報恩寺

高城近接古香臺白社探從曲巷來塵外初衣參佛說松
閒兩版待僧開遺碑不見熙甯字劫火曾飛龍漢灰惟有
雙池無恙在每憑照影一裴回

宋歲貢登岸 一首

登岸芷江人乾隆初貢生

登攬秀閣

落木遍秋山憑高一望閒
當軒落潭影無數白鷗閑
魚笛煙深起禪扉畫靜關
紛予倦塵埃到此不能還

向秀才芝芳 一首

芝芳芷江諸生

邨居卽事

編棘爲垣竹作門無懷民尙此閒
存衣冠童叟都從古媿
嫁朱程不出邨瓦甕共藏千日酒
釣竿常辦一餐葷
鄰翁飯後渾無事棋局閒消古樹根

何郡守經文 一首

經文字無墨靖州人仕履無考意恭惠族人也恭
惠名焯靖州人以山陰籍捐職州同起家積官至
總督管河南巡撫贈太子太保予諡恭惠人祀賢
良子裕誠安徽巡撫今修靖州志者竟不知有恭
惠其人

按張湘帆集中有追和友人何無墨太守韻詩當卽其人也

次孫太守登嘉峪關籌邊樓

滾滾沙塵大漠秋萬方粗定且登樓乾坤甌脫無多地中
外嚴疆盡此州塞草黃煙消戍角天山白日下城頭時清
未可忘邊備擬向關門借箸籌

詹處士名實 三首

名實字樸齋號拙亭常寧人帖園大令顯紳之子
少有痼疾喜吟詠侍帖園宦南康庾嶺東南輒多
題識已而帖園卒於官扶輿歸里哀感行路同縣
李振南奇其才授以詩法惜以病廢未竟其學

山居

選勝泉石閒搆此半峯地風景何清佳四時各幽異山徑
鬱堂皇鶯柳結藩衛清流花落紅古石苔生翠小沼當窗
浮荇藻明如繪空山寂無人一往成孤意柴門竟日關卷
帙通寤寐松風吹簷隙一穩南窗睡

山行

諸峯欲成圍迫我上單椒山色何蔥鬱朝暮恣討搜朝行

山藍霏暮行山翠流我來山欲往我去山如畱徘徊四野
曠天宇一何悠策杖過澗水沈寥氣如秋竹籬隱荊屋鳴
蟬噪槐楸邨野閒雜語意樸詞未修信步遂忘歸立野空
踏躑

春遊

麥隴初沾雨黃雲萬縷齊野塘春漲濶歧路落花迷僧寺
浮嵐裏人家罨畫溪東林幽靜處立馬下山遲

鄧秀才廷栻 一首

廷栻桂陽諸生

遊連珠巖

連珠秀闢盧陽縣勝奪湖湘巖中誰所譔嵯峨絕巘未爲

法苑珠林卷之十一
奇中開委道如盤綫紆迴偈仄僅尺咫天漏微光紛紫電
玲瓏九曲晴雲繞光怪萬丈餘霞緇寒崖洞壁膏凝乳仙
源水滴泉明練谷深更有小溪出清冽逼人冷然善繼幽
履險入梵宮鬼斧神斤遞相擅山僧兀兀坐談經布袋收
歸千萬變我來不爲探乎妙欲爲茲地開生面晨遊忽聽
樹棲烏月明號散泉花院

劉秀才榮五一首

榮五芷江人諸生

八洲曲

朝宿入洲頭暮宿入洲尾朝暮入洲邊生憎入洲水水浸
洲痕淺復深綠洲草長傷人心春來一帶帶腰色若個相

將煙際詩門前烏鴉樹西陵松柏路會此翦煙花慣問西
洲渡可憐一夜江水流雙槩何從認入洲女兒采采不盈
掬王孫愁見江雨綠

吳秀才山斗二首

山斗字廷用一字慕韓常寧諸生著有閒雲詩草
雜興

白雲橫碧落青嶂插晴空雁度寥天影鳥呼高樹風空巖
迴夕照野徑臥殘紅散步荒郊外悠然月在東

鷗鷺下平田郊原起暮煙遠山搖落日雌霓挂長天石礙
樵夫徑門維估客船人家深谷裏野色正蒼然

陳縣丞本鼎一首

本鼎字湘山湘潭人官山西大同縣縣丞

秋日海河舟行卽事

蕭蕭蘆荻徑延緣落日西風咽一蟬紅樹繞邨通瀆井黃
茆煮海上秋煙崎零竈戶兼民戶雜還鹽船併網船極目
東溟生事促不知何自說腰纏

劉暉一首

暉字東曙長沙人有鹿吟草

泊桃花港

風雨沈湘江煙波浩無極垂楊拂碧流雲氣生虛壁斂颿
泊清港邨落看歷歷薄酒岸邊沽持杯披往籍平生對古
人頗不惜心力昏鐘發林莽歸鴉暉已黑高枕水雲閒葦

動暫休息

曠士譽 一首

士譽衡山人

登祝融峯

到來直擬破天闌
石廩芙蓉悉主臣
便欲此閒充管領
卻憐下界事紛綸

唐仲瑜 二首

仲瑜會同人

九日遊蓮花洞

江城闢大觀
登高應一至
鳥道何紆曲
巖深世可避
虬枝干層霄
怪鳥戀寒翠
此閒非壺嶠
頗能消俗累
土磽花不

汴水書身 卷第八十五
榮採菊聊存意主人出未歸嘯歌成獨睽回看山下人役
役甘勞瘁豈不懷遠志賢愚各有類薄游未盡歡紅日方
西墜

遊巖屋寺

一逕透深林行行適澗谷聞不聞人聲舉頭見巖屋常留
白雲眠亦多多鶴伏參差幾株松搖曳數根竹我判主人
歸契合同蘭馥身任巖穴閒所談何渾樸依然無懷民雲
構幽人宿

羅作元 一首

作元字禹門湘潭人幼慧有至性甫十歲隨父應
節試忽心忤語父曰毋得毋有恙乎報至果病急

登舟風阻仰天大哭風遽反未幾以父喪哀毀卒
存詩一首蓋少作也

昭山

傍插清湘岸連蜷暗紫氛龍潛根下水僧定嶺頭雲客路
藏秋草漁舟聚晚暉登臨值搖落風葉下紛紛

韓李思 二首

李思字蜨齋江人以畫名性骯髒負氣嗜酒無
時不醉寫山水樹石人物均妙尤喜潑墨作龍戲
煙雲拏攫見者失色所得畫貲率以償酒值乞畫
者值其醉叫呶不敢近醒時手斂斂不能執筆故
得其寸縑以爲難嘗爲僧寫佛像得錢三萬先付

酒肆鉤描垂就僧促之帆碎其紙典衣以償僧錢
共做誕如此無妻子寄居僧舍卒死於酒有詩二
首見芷江志

書感

老病幽懷百感攖市高酒價最難平風騷莫補吟何苦筆
墨無靈道遂輕長歛依人甯得已短筇扶我覺多情山川
風月真無價買醉窮途慰遠征

逍遙何必辨鳩鵬鬱鬱樊籠便可憎皮相豈知天下士心
空聊伴遠遊僧探囊長物終垂手人世閒情只曲肱俟命
到頭仍委壑餘生賴與酒爲朋

沈湘齋舊集卷第八十五終

沅湘耆舊集卷第八十六

新化鄧顯鶴湘臯編輯

長沙毛國翰青垣校訂

陳大使錫周

三十首

錫周字岐陽新化人乾隆丙辰舉人官廣東招收
場鹽大使卒於官大使早負才名豪放不羈謁選
得鹽官墨墨不自得初至謁潮州韓廟大書揭其
楹云海外有天漫道世間無北斗嶺表無雪何緣
此地有藍關又詩云文章八代起煙瘴幾時開曾
遺鱷魚去爲焚佛骨來雖偶然屬筆亦倜儻有奇
氣余幼時震大使名遍索其詩稿不可得曾聞家

遯溪翁口誦二首服其高渾比從友人所索得一
冊中多不經意之作尤好以俚語入詩頗落江湖
流派故所錄較少然當其佳處往往不經人道吾
邑詞壇老宿肩背相望率以瓊博沈麗爲宗無空
語性靈者大使於諸老中亦可謂別開生面矣

偶感

長源未虎嘯衡山高枕睡雖貪懶殘芋恬不求名位應詔
掃犖山直等用竹簪急流旋勇退峻阪回衡轡山人終歸
山寶玉不離樸白廢且放言此意真自秘一口飲人酒謬
道洪崖饋侍郎使索榼傾瀉了無媿虛誕極不辭只欲容
同醉光明磊落人勿疑爲鬼魅

蚊帳和韻二首

天地生物心苦不能專壹鸞鳳復鵠鷓蛟龍雜蟲蛭么麼
彼蚤蚋繁滋若蟻蝨生此欲何爲理不可究詰聒耳善嗜
膚晝伏夜爭出昔人比宵小作賦志憎嫉君子張四維視
躬明慎密不與之作緣何由得狎睨空明方正中不惡嚴
加叱投隙無可乘息喙將遠逸夜讀學范老薰頂煙如漆
談助資中郎論衡臧一帙利用與安身只此無二術可笑
東方生賢賢分甲乙

朝昏引朋類如雷聲唱和更迭無停畱繞而類牛磨退之
恣與啖斯言毋乃過豈有親肌骨委物飽其餓我生無多
求晝食而夜臥只此兩無害遂乃喜自賀機上黃琉璃裁

可障一座地步畱有餘用保不貲貨將息更廓清揮羽代
巡邏雖非堅壁壘亦攻不能被置身矩矱中彌縫不稍情
漆壘納枕邊亦曰慎吐唾白日表虛中風動從軒簸坦率
無城府肯使郝超坐

寄親故

簡書非貶謫直到海之濱家遠四千里年虛五十春官閒
羸得病祿薄慣能貧自願當如此何由謝故人

圍場收鹽偈作

官舍似僧閒鹽田足往還煙村澀勒鎖潮戶斗門關團簇
膝皆錦旋封埤亦山自憐同販豎身在市廛閒

京邸初度寄劉齊年

五十聞言許服官於今四十九年完繫如飢馬斯芻歷滑
似鮎魚上竹竿皺面觀河鬢漸白頰顏得酒頰猶丹感懷
花萼樓中樂孤雁吟風透骨寒

次韻和人寄懷

到處題詩是謫仙無論官舍與民廛自調宮徵珠璣字饒
帶煙霞長短聯墨浪一池翻笥腹白描千首戰空拳餘無
一事惟能酒醉擬長安帝上眠

失題

他鄉寂寞數晨昏故國山川繞夢魂湖上乍離避債舍海
南竟入買愁村三春孤負花千樹七日冥搜竹一根手版
朝來容挂頰人閒厭聽說寒溫

自在吟

入世原無自在場，天教此地著疏狂。
判書旁午謄詩稿，敲扑煩猥壓酒牀。
懶比病貓假，敗絮便如疥。馬得枯楊一官睡，足真閒味。司諫歸山尚屬忙。

吟趣用放翁坐曉韻

燒盡文章一不存，漫從莊叟學危言。
破愁似結迎刀解，養性如寒得酒溫。
積久較人機，自活標新於古案。皆翻世閒水盡山窮處，許我憑空闢一門。

憂旱詩次同寅諸君子韻

旱宿經天更吐芒，移民無策救凶荒。
豈真海臥慵龍沫，會有爐寒窳婦香。
土溼圻龜人泣，鼓雷鳴空腹。火燒腸可憐。

一飽猶稱瑞敢問行人醉杜康

赤旱驚人背有芒繡疇盡變石田荒井胥溪斷潮都沒草
死藤枯花不香入市漫將詩乞米樂飢只合字撐腸萬家
塵甑炊煙冷每念憂煎敢自康

喜雨次韻

甘雨如酥潤柳荷喜狂拋卷失籤牙圻塗裂瓦溜新漏穴
紙穿窗點舊斜叢竹珠跳添綵空階紳挂亂嘔啞市平
米價炊煙沸暫免環村士女嗟

擬小雨破旱再次原韻

渴雨占星問押衙今宵畢弩似張牙雲沈珠斗光初暗水
漏銀河澹欲斜擺馬振鬣頻歎蹴棲烏刷羽自呼啞赤塵

脚軟飛無力，眯目差寬行路嗟。

歷塵小雨灑官衙，似酌天漿澆齒牙。沾草直同承露重，入檐已作受風斜。潤兼四野枯焦活，歡動千家笑語啞。顛頓頓增前日樣，十人行路九人嗟。

小雨不濟旱，自分救時無策，再次原韻。

陰陽有事問南衙，餘論殊難惜齒牙。濡沫可憐魚腹疾，填溝將泣內人斜。爲霖不止川原渴，作露徒供井市啞。大澤未敷爭小補，仰天短嘆復長嗟。

寄劉浦齋兄

此後光陰少，似前別來一念一茫然。曩時謔浪消爲水，日愁城起並天斷。飲不離遷客夢，孤燈如坐老僧禪。遂初

早儻瑯塘館二老招尋學少年

寄象三叔父

近托吾宗仰大賢豈惟棄土委金錢窮經隱德癡王湛註
禮埋名老鄭子願我願奢思鵲起只今薄祿媿蝸涎來年
消息應先報駕鶴何妨到海邊

感懷二首

隙駒影裏度流年况復交親離憾牽業口徒消詩債券病
軀難脫醉鄉錢終宵耿耿湖南夢盡日搖搖海上船囊飯
有腸長尺四可憐一半是愁填

年來愁與病相遭次第攻人響應枹失藥身如舟失舵離
杯心似鳥離巢無求豈夢苴墮鹿得力羞吟觸鼎貓莫怪

逍遙無處所坳堂注水置杯膠

除夕次韻兼謝人送年糕

細碾重羅取玉塵香資惠我色如銀龜腸得飽諸凡足蛇
尾難留比例真龍馬送窮姑妄想梅妻索笑稱閒身髭鬢
已白從教染苗密根深未易勻

次韻梅溪雜詠四首

新約聯帆元旦初水晶孤宿尾追子捷乘風便先過海留
爲湖遲未到槩一線鎌磨新月出半囊磨破早梅舒夜吟
又獨採珠去鱗爪惟人拾所餘

得句梅溪字字香骨清神雋味彌長麗妝只許師雄看仙
酒疑教曼倩嘗澹墨灑檀研藥榜微雲擘絮點穹蒼粗人

組織無花樣，翦綵隋宮擬帝鄉。

漢有潛兮江有沱，楚人曾解叩舷歌。一官遠寄蠻荒地，四載輕離安樂窩。渴口仍思雄綠鴨，癡心欲變嫩黃鶩。假饒醉試投龍技，一劍還應手自摩。

爆竹聲中度萬家，韓詩伴枕獨搜遐。潮平丹活溪通淺，春到煙濃草帶芽。澀勒一灣風碎玉，熱腸三沸雨飛茶。清香滿路添油潤，處處新梅雨後花。

次辛秀才除夕韻

十年早下仲舒帷，清白孤高奴隸知。貧不待招安可送，貴將來偏莫嫌遲。丈夫無害尙存活，美女增妍應蹙眉。爲問牀頭槐許大，不愁睡漢不逢時。

瘦

糠稂頰餐肥不成森森骨立亦堪驚嫌寬結帶移鈞勒護
短加衣戒裸裎對客欲與羶自薄邇人太甚鏡無情梅花
同病差憐我索笑東牆話舊盟

朱大使奉檄新兼批驗鴈賀客卽席有作

君才足了十人分兼攝何勞賀客臨延祖齋廚多率意孟
公醉飽正畱心警聯要語書團扇嘉樹幽篁橫禿襟花盡
欲然山欲響明朝還許抱胡琴

簡張鍵周

家欠豬肝無邑宰路窮羊角少人賢相逢亦有鄒長倩不
借東風吹上天

寄段百朋先生

搥壁早知遭鄧笑，擲瓢仍怕見吳非。
雁門無雁休相問，會載羅浮石筍歸。

楊舉人森 四首

森字

湘潭人，乾隆丙辰舉人，詩不多見，僅考

鑿石浦四首，案鑿石浦在湘潭境，舊有慶豐寺，寺
旁榛莽中，雙碑屹立，一爲衡陽令高其位書，杜宿
石鑿浦詩一爲衡永道董廷恩集，杜詩二首，又石
壁有少陵遺像，寺僧思募建草堂，未果，秦君令湘
潭一夕宿寺中，賦詩四首，邑人競和之，今鑿石浦
少陵草堂所由始也，秦君名鏐，無錫人。

和邑侯秦禮堂宿鑿石浦原韻

尋幽幾度拂禪牀，欲訪詩人舊草堂。
試問關山辭蜀道，爲誰風雨下瞿塘。
岸花飄送孤篷遠，橋燕紛飛過客忙。
鑿石浦邊曾一宿，至今遺跡尙荒涼。

拾遺蹤跡半乾坤，此夕淹留足尙論。
繫楫句猶鐫石壁，故園心早戀江村。
孤忠嶽岫同巉峭，逸韻湘波共吐吞。
况是碧雲紅葉外，薜蘿深處有沙門。

老去遊蹤偏爛漫，客中古意最蹉跎。
每經勝跡如梭擲，爲怕半愁觸眼多。
鑿石江山渾不老，回塘風月自相摩。
無情被惱緣君句，重取遺編一再歌。

草堂人合草堂傳，今合堂成信有天。
繫摘定知神是宅，披

棒略似海爲田風騷作主如君少俎豆斯文屬此賢不盡
遲回江畔意微吟聲送上灘船

案第三第四二首一
作張分迺九鑑詩

詹南康顯紳二首

顯紳字書存號岵園常寧人乾隆丙辰舉人江西
南康知縣卒於任岵園居官廉介嘗於署中作偶
憩亭賦詩以明其志歿後無以爲殮喪歸日做書
數篋而已

南康署中得女兒書吟此答之

年來惟有思家夢檢汝來書淚自潛宦海浮沈身是寄夜
香爲我祝生還

偶憩亭

偶憩何曾憩得成
思歸并不為尊羹
他年吸得西江水
喫入湘流一樣清

熊永康祖熊一首

祖熊字幼繹一字闡夫
善化人乾隆戊午舉人
歷官廣西靈川知縣
永康州知州有二宜堂詩稿

麓山寺贈如意上人

兩年精舍裏一載梵王家人到
名山靜秋來野色佳
虎溪常聽法香積笑籠紗
為問達摩壁傳心應不差

楊范縣河三首

河字伏圖新化人
乾隆戊午舉人
歷官茶陵州學

正宜章縣教諭湖北武昌山東范縣知縣先生爲
又西經師之子孫甫詩伯之父三世皆以文學顯
白沙集中有贈孫甫詩所云君之大父固名士名
父之子有昔翁是也先生與外大父毛府君交篤
府君父病卒以鄉試未及視含先生住其家一月
爲經理其喪曲至府君歸始去其風義如此詩不
多僅從方志採存三首詞旨深厚不愧學人之言

謁鄺忠肅公祠

家危子死孝國危臣死忠先生眞義士家與國維同清白
庭所訓不受一褐紅愛錢便愛死惟清節愈崇愚哉彼闖
宦以死懼我躬臣死何足惜至尊枉在中駐蹕請不聽入

關計復窮抗言甯過激
兵事腐儒通土木一朝喪奕世欽
英風

風井

古井常疑欲起瀾若爲從律革司寒久辭汲引猶行惻獨
抱薰時協帝彈射鮒豈如催鷁退無禽耐可助鵬搏且看
日靜遊人集時有晴絲罥馬鞍

經九摺嶺

峭壁摩天一線窮那知嶺缺路旋通
山風忽送雲鋪滿似身行平地中

羅舉人光瑋一首

光瑋字朗山本姓李益陽人乾隆戊午舉人朗山

有至性以孝友稱於鄉里人無閒言早卒

次王明府遊裴亭歸集望陸軒紀盛元韻

裴公在何處空作玉山行鶴掠松煙出花飛石徑生乾坤
遊子夢風月古人情共羨東南美誰當賦二京

劉教授恩寵

五首

恩寵字綬四號蓮池益陽人乾隆辛酉舉人壬戌
明經進士歷官安福臨湘教諭寶慶府教授先生
爲先大父高足弟子七歲其父怡觀延大父於其
家教之性穎敏好學大父甚器之決其遠到嘗呼
劉九而不名先大父以經學教授資湘閒從遊數
百人多一時名宿其著錄實自先生始年末五十

卒於官詩文多散佚余幼時猶及見其浮丘山螿
龍泉諸賦不愧沈博絕麗之稱今浮丘賦尙載益
陽縣志餘均佚矣聞先生試舉人時大父見闈藝
決其必魁榜出名次稍後是科有汪京門者評選
天下墨卷多所訾議於湖南獨稱先生與湛學正
開漣無異辭亦可見鍼砭之投契爲不謬矣

之官寶慶舟過小洋謁松堂師於梓木衝里第信宿
始別恭紀四首

卅載列門牆今來過小洋追隨羣弟子睽隔幾星霜藹藹
春風近悠悠古樹蒼居人頻問訊爲指鄭公鄉

謁刺纔投入先生一笑迎豈知郡博士卽是魯諸生首慙

風仍舊喬柯老更榮連宵清不寐絮語到天明

憶自髫齡日相隨到壯年

自注恩龍七歲受業至二感師十四歲成明通進士乃去

視猶子望我欲升天垂老經三考徵官始一遷

自注由安瀾臨湘教

諭俸滿遷寶府教授此生真自負嗚咽對殘編

臨別無他語懇勸囑後昆承家好兄弟

自注謂世兄昆仲

努力大

師門耕稼鄉風古詩書世澤尊來年春漲暖會送北溟鯤

吾邑產竹春筍盛時取以造紙偶見賦之

春筍纖纖汁乳融層層脫出鬼神工雲藍屑玉翻波底霧
穀飄紋現掌中冰縷也疑鸞繡似銀光欲訝鳳殘同此君
信有經綸具肯向深山偃蹇終

湛學正開漣

一首

開漣字漪文善化人乾隆辛酉舉人武岡州學正
漪文有學行集未見僅從方志得古體一首學人
之詩未可以其近擊壤體而廢之也

濂溪書院紀事詩爲鄭東里太守作

羲皇肇一畫斯道衍千古素王訂六經木鐸振東魯延絳
逮漢唐注疏紛接武純雜居其半儒林昧去取天道晦而
明宋聚奎星五卓哉周濂溪一圖太極剖講學邵陵城從
者環如堵如何數百年芳蹤委宿莽昭代文運昌肇興惟
守土昔人未就緒山椒隘堂廡諸生負笈來數椽蔽風雨
我公膺簡命邊邑歸綏撫善政首作人法良心獨苦山
川盤秀處乃大啟爾宇兩楹陳俎豆百畝足脩脯兼以命

世才著作圖書府剛發開鑿曠格言鏤肺腑皇皇勸學編
在泮聞鐘鼓道立善人多爲國儲賢輔六嶺山不磨雙江
清如許相期紹前徽鄙郡斯文主

鄧舉人華楚一首

華楚字

桂東人乾隆辛酉舉人

崔公路

自注在入面山崎嶇至險明天啟中縣令崔君世名修人呼崔公路

人愛愚公愚能操操蛇懼力精山爲關夸娥感誠素我憐
八面山天險誰能度烏鳶拍翅怯攀陟猿猱怒有仁者崔
公戚然深民慮墾壤剔榛棘鞭石走煙霧五丁來效靈行
道喜奔赴常恐年久壞置守期牢固迄今二百載攀緣仍
坦步君看蔭途松盡是甘棠樹

歐陽舉人炎一首

炎字臨川一字思誠安仁人乾隆辛酉舉人著有
經牖史通及諸子雜鈔二百餘卷同縣謝履山進
士爲之傳稱其諸經歲一手鈔史閒歲必周讀一
遍旁及釋經道藏亦有註釋議論高卓嘗歷舉諸
經注疏及內外傳之確然可據者以證歷來說經
之譌凡百餘條皆有依據一試禮部卽不復出蓋
亦一時儒碩也履山名才乾隆己未進士官寶慶
府教授有教澤吾郡人至今能道之有集未見

泉亭感舊

記來亭上小遠巡筇屐籃輿約酒人遠塢花紅猶帶雨古

牆竹碧尙含春雲山淺澹憑闌盡煙水清涼入夢頻今日
題詩獨惆悵遙憐魚鳥意相親

王延長崇禮二首

崇禮字希周號立亭安化人乾隆辛酉舉人壬戌
明通進士官衡陽教諭遷陝西延長知縣居官廉
明治經有聲詩非所長也

羊穀嶺詩

此山何自名羊穀屹立鬻天亘終古前峯拔地不計尋絕
頂摩天疑尺五馬首卻顧鞭不前畏險步行還僂僂路兼
斗削帶之夕半入深林半平土人家小聚成村落往往輦
耕三兩戶懷葛餘風忘歷日未到小年先擊鼓聞訪冬狩

詠遭狃執械持竿負輕弩東門黃犬逐西山獵盡豐狐與
豺虎蹄祭梅山充大庖佐以野蕨盈缶脯舉火遙村沽酒
來但憾無從購斥鹵淡食何如鮮食時口慣不能辨酸苦
我頻過此寄飡宿賸欲探登風俗譜江山稱謂究何常時
過地遷義別取若茲樸鄙近夷獠山應喁歎歎野處吁嗟
羊豕非惡名不信大夫稱五豎

人負犁

力田宜趁秋到處耕成耦五人代一牛此事忍見否我行
過鄉井爲民等升斗升斗自何來應知大地厚彼蒼原好
生土膏勢難剖輓駕如樞仗萬頃一肩負地自出乎震又
聞關於丑牛兮果何罪豈亦自貽咎荒疇四砥平四顧無

牝牡可憐四蹶奔竟成兩足走塊土化泥痕得得盡人捩
從茲莫鞭春一鞭一斂手寄語扶犁人毋爲歎牛後

楊教諭逢年 一首

逢年字南秀寧遠人乾隆辛酉拔貢官永綏廳教
諭

桃源

流水渺然去仙源難問津當年曾一棹茲事忽于春漁父
非迷渡桃花自避秦不知彭澤令何似武陵人

鄧教諭友超 一首

友超字慎修芷江人乾隆辛酉拔貢新寧教諭有
慎修集慎修有學行臨終敕其子以家中多藏書

凡無益身心者悉檢出焚之邑學博孫士遠銘其墓所云一經傳家燔無益知君存心與世異者也詩不多見僅存一首

沅城覽古

梯山西上透重關秀閣潭陽萬疊山五驛郵傳通一綫九溪派別匯羣蠻誠徽故址霏煙外我謂遺疆落照閒惟有泮阿千丈水遲城東去日潺湲

段教諭永頊三首

永頊字旭賓號竹田常寧人乾隆辛酉拔貢官臨武教諭與從弟永雋齊名常寧諸段多以文學顯自象山大令四山鴻博而外竹田亦其次也

煙江

近水山多雲近山水多煙江以煙得名不知始何年東坡
號蘇海作詩贈廉泉子厚客冉溪溪以愚名焉而我家斯
水名贈雨寂然自古忌名高非我不汝憐當詩蘇與柳自
知傳不傳有煙時有月江心月娟娟有煙亦有風水月風
周旋江上有泉峯因峯適有泉主人居多竹借竹名竹田
竹泉聲泠泠澹澹江上煙

臨武罾喜家釀至

臨武薄酒力如棉百愁堆放繩牀眠夢醉鄉關泉峯巔綠
窗紅透日影縣醉鄉未醒僮僕喧泉峯酒到清如泉驚起
披衣喜欲顛階破敗甕先流涎狂呼拍掌來飲仙三斗五

沈氏香齋集 卷第六十一
斗何陶然一杯青眼舜峯天揮豪散作千山煙

憶白雲

終年抱膝坐山邱不阻歸雲一夜畱偶與閒人談幻事更
無青鳥下高秋屯巖忽卷千峯去映水空餘一澗流把酒
臨風頗恨望有人長嘯動滄洲

吳選貢文昭

四首

文昭字倬雲新化人乾隆辛酉拔貢

湘水曲

九疑雲鎖翠娉婷斑竹叢中雨未停二十五絃聲已絕濛
濛何處弔湘靈

蒲帆滿幅挂春汀坐看衡峯九面青記得年時沽酒路半

江鷗鷺接芳坳

蔡公祠下嶽雲浮賈傅門前湘水流
麥飯一甌秋隴上無人解祭李潭州

三十六灣雲作屏君山遙點一螺青
岳陽樓上誰家笛又聽秋聲過洞庭

張訓導九思 五首

九思字聿修善化人所居名洞井又號洞井山人
乾隆辛酉優貢官寧遠訓導著有枏芝詩稿山人
與羅洋山人交好在當日亦有盛名爲諸生時嘗
以蒙泉草堂記見賞於夏醴谷學使稱爲古之揚
子雲不之過詩集不見僅從方志採掇數首爲稍

節存之

古意

高陽昔寶劍神物黯沈沈有時光氣吐層霄煜萬尋浮雲
爲之開機槍落其禮以此靖六合盪滌無氛陰聞說采鑿
初太白割流金淬以江漢波磨以秦華碣日月修光澤雷
霆入慘森一陰而一陽佩御有所任棄置久匣中發聲龍
虎吟

齟齬當時士殷憂在饑寒詩禮聞發冢天爵但要官所以
賢達偷千載一長歎我友維洋子侗儻峩高冠英風起頑
懦留我青雲端初然慙讜議良今豁所安祗愁生理憂
來最無端大小各分定懷哉宇宙寬

大雅久誰陳星霜迫人老昨朝美少年今時宿墓草修名
苟不立冉冉待誰保游好在六經元精鬱穹顛聞有古仙
槪相期狂蓬島如何採汲士聊用資彩藻珠櫝乖取舍魚
目炫荆寶不憾知者希立志悔不早九天如可正吾將訴
懷抱

哭郭昆甫助教

我眼久枯不能哭我心久碎不能悲嗚呼昆甫遂已死使
我茫茫復誰歸我生偃蹇一無似人間蹭蹬天公劓髻染
蠱瘵浸不起親串睨視棄如遺惟君好我獨奇絕焉知鬼
瞰與人非燕京從遊兩過望我初涉世君久羈忽然聚首
歡無比願得生死相扶攜慷慨自許金臺駿歌泣共作高

陽嬌龍眠老子亦好事

自注謂劉畊南

相與曠古聯心期就使餓

死滇溝壑不效時俗同脂韋君嘗醉後一語我人生行樂

知已借零丁孤苦君頭角顛踣繆盤吾淒其幾死尙存狂

醒木永訣誰知長路違我前怪君病且死魂夢不與吾相

知吾殆非人君故恕不然關河閒阻之哭君湘浦唁君孤

君如不聞我愈癡夏五望後夜方半蒙君過訪驚相持病

容狂態猶髣髴詞煩意苦多憂危覺來枕上淚橫溢衾巾

溼透還漣而嗟君壯志空四海戢翎委翅難狎飛更復摧

之至於死吁造物心何忍爲曰余進爲當代惜而退亦以

哀吾私自古及今誰不死悲君抱負投荒陂身後虛名空

復爾千秋萬歲淚難揮

冬日謁蔡忠烈公墓

飄然七尺已辭家

自注公詩丈夫飄然七尺身今作蛾眉誤嫁人

古寺霜華拂障

紗梅雪詩魂醒到骨風塵血淚灑如花三顏白石同祠墓

自注公有白石山謁三顏祠詩

九卒青燐慘鏤錚未報國恩臣憾在丹忱

一點照長沙

沈湘齋舊集卷第八十六終